



Pou Piblikasyon Imedya: 7/12/2023

GOUVÈNÈ KATHY HOCHUL

## GOUVÈNÈ HOCHUL ANONSE 164 MILYON DOLA POU PWOJÈ ENFRASTRIKTI IDWOLIK LOKAL YO

***Apwobasyon asistans finansye a otorize aksè minisipal nan kapital ki nesesè pou pwojè ki diminye risk sou sante publik ak anviwònman an***

Gouvènè Kathy Hochul te anonse jodi a Konsèy Administrasyon Kòporasyon Etablisman Anviwònmantal (Environmental Facilities Corporation, EFC) te apwouve 164 milyon dola asistans finansye pou pwojè amelyorasyon enfrastrikti idwolik nan Eta New York. Apwobasyon Konsèy la otorize aksè minisipal nan plis pase 156 milyon dola finansman akoutèm pou depans ki fèb epi li te anonse sibvansyon anvan pou demare pwojè enfrastrikti idwolik ak egou ki enpòtan anpil nan Vil New York, Vil Utica nan Konte Oneida ak Komin Minerva nan Konte Essex.

Konsèy la te pran mezi tou pou ede asire ke de pwojè ki egziste deja yo kontinye abòdab alontèm, apwouve finansman san enterè ki bay yon total plis pase 8 milyon dola pou Vilaj Akron nan Konte Erie ak Vilaj Warsaw nan Konte Wyoming pou bay ekonomi sou sèvis dèt pou pwojè sa yo.

"Administrasyon mwen an kontinye goumen kont pwoblèm kalite dlo avèk envestisman k ap benefisyè Nouyòkè yo pou jenerasyon k ap vini yo," **Gouvènè Hochul te deklare.** "Finansman sa yo enpòtan anpil pou ede kominate yo modènize epi pwoteje enfrastrikti ki enpòtan anpil yo pou tout Nouyòkè ka gen aksè nan dlo ki pwòp."

**Prezidan ak Direktè Egzekitif Jeneral Kòporasyon Enstalasyon Anviwònmantal (Environmental Facilities Corporation, EFC) yo, Maureen A. Coleman, te deklare,** "Envestisman enfrastrikti 164 milyon dola sa ap libre dlo ki pwòp, ki sandanje, pandan l ap fè ekonomi ak lajan kontribyab yo epi kreye djòb ki byen peye. Envestisman nan enfrastrikti dlo enpòtan pou pwoteje kominate yo kont polisyon dlo ki menase sante publik ak anviwònman an."

**Komisè Depatman Prezèsyon Anviwònmantal (Department of Environmental Conservation) Eta New York la ak Prezidan Konsèy EFC a, Basil Seggos te deklare,** "Mwen aplodi angajman soutni Gouvènè Hochul pou envesti nan pwojè enfrastrikti abòdab epi ki pote transfòmasyon ki amelyore kalite dlo a epi ki ede minisipalite yo modènize enfrastrikti ki enpòtan anpil yo. Avèk 164 milyon dola

sibvansyon ak finansman, resous sa yo ap kontinye pwoteje kalite dlo epi kenbe Nouyòkè yo an sante epi an sekirite."

**Komisè Sante Eta New York, Doktè James McDonald, te deklare**, "Mwen remèsyé Gouvènè Hochul ak Kòporasyon Etablisman Anviwònmantal yo pou lidèchip ak patenarya yo pou fè dlo potab yon priyore sante piblik. Asistans finansye yo bay atravè Kòporasyon Etablisman Anviwònmantal yo ap ede minisipalite yo asire ke dlo potab yo san danje epi fyab."

**Sekretè Deta a, Robert J. Rodriguez, te deklare**, "Yon lòt fwa ankò New York lap fè envestisman lidè nan enfrastrikti dlo pwòp ansanm ak finansman istorik federal ki fèt pou ede kominote yo gwo ak piti pou antreprann pwojè ki vital pou sante piblik, kalite lavi, devlopman ekonomik ak pwoteksyon anviwònmantal. Apwobasyon 156 milyon dola Kòporasyon Etablisman Anviwònmantal la pou Vil New York, Vil Utica nan Konte Oneida, ak Komin Minerva nan Konte Essex se kle pou bay resous ki tèlman nesesè pou bati pwojè enfrastrikti ki enpòtan anpil pou modènize sistèm k ap vyeyi yo."

Apwobasyon Konsèy la enkli finansman atravè [Fon Woulman Eta a pou Dlo Pwòp \(Clean Water State Revolving Fund, CWSRF\)](#) ak [Fon Woulman Eta a pou Dlo Potab \(Drinking Water State Revolving Fund, DWSRF\)](#), ak sibvansyon yo te déjà anonsé konfòmeman ak pwogram [Sibvansyon pou Amelyorasyon Enfrastrikti Dlo ak Sibvansyon Entèminisipal \(Water Infrastructure Improvement and Intermunicipal Grant\)](#) yo.

#### **Finansman pwojè ki apwouye:**

- **Vil Utica, Konte Oneida** - 4.6 milyon dola pake sibvansyon ak finansman pou yon pwojè egou k ap rann sistèm dlo ize vil la pi rezistan pandan evènman lapli yo epi diminye devèsman egou a nan Rivyè Mohawk. Finansman an genyen ladan 1 3.4 milyon dola finansman san enterè ak sibvansyon ki soti nan fon Lwa sou Enfrastrikti Bipati (Bipartisan Infrastructure Law, BIL) federal yo. Se EFC ki administre finansman BIL pou enfrastrikti dlo ak egou atravè pwogram Fon Woulman Eta a (State Revolving Funds).
- **Otorite Minisipal Finansman Idwolik (Municipal Water Finance Authority) Vil New York** - 150 milyon dola finansman akoutèm, nan to mache a pou fouy ak konstriksyon manch 17B-1 ak 18B-1 nan Tinèl Nim. 3, Nivo 2 nan Queens. Pwojè dlo potab sa ap bay redondans pou sistèm idwolik vil la epi pèmèt gen pi bon kontwòl debi ak jesyon sistèm nan.
- **Vil Minerva, Konte Essex** - 1.5 milyon dola finansman akoutèm, nan to mache a pou ranplase apeprè 6,000 pye lineyè kanalizasyon dlo nan de zòn pwojè dlo potab.

#### **Pwojè refinansman yo ap reyalize ekonomi nan sèvis dèt alontèm yo**

Konsèy la te apwouye finansman alontèm san enterè pou yon total 8.2 milyon dola pou pwojè amelyorasyon izin tretman dlo ize nan Vilaj Akron nan Konte Erie ak Vilaj

Warsaw nan Konte Wyoming. Finansman akoutèm yo bay kapital pou pwojè konsepsyon ak konstriksyon yo. Depi pwojè konstriksyon an fini, yo refinanse finansman akoutèm yo an jeneral atravè finansman alontèm pou jiska 30 ane, ki ekonomize depans enterè ki enpòtan minisipalite yo pa rapò ak lè pran finansman pou kont yo.

Baze sou kondisyon aktyèl mache yo, yo pwojte ke finansman alontèm sa yo ap fè kontribyab yo ekonomize yon estimasyon 10.6 milyon dola nan peman enterè sou tout dire lavi finansman yo.

### **Angajman New York pou Kalite Dlo**

Envestisman prensipal Eta New York nan enfrastrikti dlo pwòp totalize 5 milya dola depi 2017. Anba lidèchip Gouvènè Hochul, bidjè adopte 2023-24 la gen ladan 500 milyon dola nan finansman dlo pwòp. Gouvènè a te lanse Ekip Asistans Kominotè ane sa a pou elaji pwogram asistans teknik EFC epi ede ti kominote riral yo ak kominote ki defavorize yo ogmante finansman sa a pou adrese bezwen enfrastrikti dlo pwòp yo. Yo ankouraje nenpòt kominote ki bezwen èd pou bezwen enfrastrikti dlo pou kontakte EFC nan [efc.ny.gov/CAT](http://efc.ny.gov/CAT).

Lwa sou Obligasyon pou dlo pwòp, lè pwòp ak travay ekolojik (Clean Water, Clean Air and Green Jobs Environmental Bond Act) 4.2 milya dola elektè yo apwouye a ap fè nivo finansman istorik la pwogrese pou modènize enfrastrikti dlo ki ansyen epi pwoteje kalite dlo, ranfòse kapasite kominote yo pou yo reziste kont gwo tanpèt ak inondasyon, redwi polisyon nan lè a epi diminye emisyon ki chanje klima yo; retabli abita yo epi prezèvè espas deyò ak fèm lokal yo. Kominote ki defavorize yo ap resevwa omwen 35 poustan nan benefis finansman Lwa sou Obligasyon an, avèk yon objektif 40 poustan.

###

Lòt nouvèl disponib sou sit [www.governor.ny.gov](http://www.governor.ny.gov)

Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)